

chiales Curati.

¶ Quarto dicitur in dicta Clementina, q̄ Curati ministrare habent Ecclesiastica Sacramenta. ¶ Quinto dicit, q̄ Curatis de iure competit proponere verbum Dei, & prædicare. ¶ Sexto præcipitur, vt de obventionibus tam funeralibus [hoc est quæ cum funere deferuntur] quàm quibuscunq;, et quomodo-cunq; relictis, quarta siue Canonica portio detur Curatis ab ipsis Fratribus.

3 ¶ His igitur omnibus derogatur per hoc priuilegium Pauli. 4. in quo confirmantur in-nouantur, & de nouo conceduntur priuilegia specialia Fratribus Prædicatoribus, & Mino-ribus concessa ab Innocentio. 8. Gregorio. 9. Nicolao. 4. Leone. 10. Adriano 6. & alijs Sum-mis Pontificibus à quibus data est eis vbiq; prædicandi facultas. Ex quo necessaria non est Episcopi aut Curati licentia: imo eo contradicente non solum potest prædicare Religiosus, in Nouo Orbe, Infidelibus, & Neo-phitis, sed etiã Sacramenta ministrare contra Clementinã Religiosi iam allegatã: & etiam ex indulto Apostolico Pij. 5. ad instatiã Catholici Regis Philippi secundo cõcesso. De quo supra ver. Baptizare. & ver. Capitula Prouincialia.